

Toshkent sh.

«14» 10 2022 y.

Nizomga binoan bir tomondan ishtirok etuvchi **Buxoro viloyat IIB JXX YHXB** keyinchalik “Sotib oluvchi” nomidan **Axmedov A.R.** va Ustavga binoan ikkinchi tomondan ishtirok etuvchi “**MAVLANOV H N**” **XK**, keyinchalik “Sotuvchi” nomidan korxonada direktori **Mavlyanov H.N.** hamda ikkala tomon keyinchalik “Tomonlar” quyidagi mazmundagi shartnomani tuzishdi:

1. Shartnoma predmeti

1.1. “Sotuvchi” shartnomaning tarkibiy qismida ko’rsatilgan narxi va miqdori bo’yicha shartnomaning shartlari va qoidalariga asosan mahsulotni yetkazib berish, “Sotib oluvchi” esa qabul qilish va to’lash majburiyatini o’z zimmasiga oladi.

1.2. “Sotuvchi” “Sotib oluvchi” bilan kelishgan holda mahsulotni belgilangan muddatdan oldin yetkazib berishi mumkin.

1.3. Yetkazib beriladigan mahsulot sifati ishlab chiqaruvchining standart texnik me’yorlariga va “Sotib oluvchi”ning texnik talablariga javob berishi lozim.

2. Mahsulotning narxi va to’lov shartlari

T/r	Mahsulotning nomi	O’lchov birligi	Miqdori	Birlik mahsulot bahosi	Jami mahsulot bahosi
1	Ящик с инструментами	dona	142	12 504 000	1 775 568 000
Jami:				1 775 568 000	

2.1. Mazkur shartnoma bo’yicha mahsulotning umumiy narxi: **1 775 568 000 (bir milliard yetti yuz yetmish besh million besh yuz oltmish sakkiz ming) QQS bilan so’zni tashkil etadi.**

2.2. Yetkazib beriladigan mahsulot narxlari qat’iy narx hisoblanib, shartnoma shartlari to’liq bajarilgunga qadar o’zgarmaydi.

2.3. “Sotib oluvchi” tomonidan “Sotuvchi”ning hisob raqamiga shartnoma umumiy qiymatining 15% oldindan to’lov tariqasida, shartnoma O’zbekiston Respublikasi Moliya vazirligi G’aznachiligidan ro’yxatdan o’tgandan so’ng, shartnoma narxi bo’yicha mustaqil konsalting kompaniyasining ijobiy ekspert xulosasi mavjud bo’lgan taqdirda 15 (o’n besh) bank kuni ichida o’tkazib beradi. Shartnoma qiymatining qolgan 85% miqdoridagi to’lovlar “Sotuvchi” tomonidan mahsulot to’liq yetkazib berilgandan so’ng 15 (o’n besh) bank kuni ichida amalga oshiriladi.

3. Yetkazib berish shartlari va muddati

3.1. Mahsulotni yetkazib berish muddati “Sotuvchi” hisobiga oldindan to’lov tushgan vaqtdan boshlab 3 ish kunidan kechikmagan holda belgilansin. “Sotuvchi” mahsulotni yuklab jo’natishga tayyorligi to’g’risida “Sotib oluvchi”ni yozma ravishda xabardor qilishi lozim. “Sotib oluvchi” o’z vaqtida yozma ravishda xabardor qilinmagan holda, “Sotuvchi” mahsulotni kechiktirib yetkazib bergani uchun mulkiy javobgarlikka tortiladi.

3.2. Yetkazib berish muddati “Sotuvchi” va “Sotib oluvchi”larning vakolatli shaxslari tomonidan imzolangan hisob-faktura rasmiylashtirilishi vaqti, biroq saqlanish joyida (ombor) mahsulotni qabul qilish dalolatnomasi imzolanishi kundan keyin hisoblanadi.

3.3. Mahsulot yetkazib berilishi “Sotib oluvchi”ning o’z vositalari orqali sotib oluvchining Buxoro shahridagi omborxonasidan olib ketilishi orqali amalga oshiriladi.

3.4. Mahsulot qabul qilinishi “Sotib oluvchi” vakillari tomonidan “Sotuvchi” vakillari ishtirokida amalga oshiriladi.

3.5. Mahsulotga egalik huquqi haqiqiy topshirish vaqtida, hisob-faktura imzolanganidan so'ng "Sotib oluvchi"ga o'tadi.

4. Tomonlarning javobgarligi

4.1. Shartnoma bo'yicha "Sotuvchi" zimmasiga olgan majburiyatlarni o'z vaqtida va lozim darajada bajarilmagan taqdirda "Sotuvchi" "Sotib oluvchi"ga bajarilmagan majburiyat qiymatining har bir kechiktirilgan kuni uchun 0,5 % miqdorida penya to'laydi, bunda hisoblangan penyaning umumiy miqdori yetkazib berilmagan mahsulot (ish xizmat)ning 50 % dan oshmasligi lozim.

4.2. Yetkazib berilgan mahsulot uchun to'lov o'z vaqtida to'lanmagan taqdirda, "Sotib oluvchi" "Sotuvchi"ga har bir kechiktirilgan kun uchun kechiktirilgan to'lovning 0,4 % hajmida penya to'laydi, bunda hisoblangan penyaning umumiy summasi kechiktirilgan to'lovning 50 % dan oshmasligi lozim.

4.3. Yetkazib berilgan mahsulot mazkur shartnomaning 1.3-bandida ko'rsatilgan talablarga javob bermagan holda, "Sotib oluvchi" mahsulotni qabul qilish va to'lovini amalga oshirishdan bosh tortishga, mahsulot to'lovi amalga oshirilgan bo'lsa sifatli mahsulotga almashtirilishi yoki to'langan summasini qaytarilishini talab qilishga, "Sotuvchi"dan talab darajasida bo'lmagan mahsulot narxining 20 % hajmida jarima solishga haqlidir.

4.4. Majburiyatlar talab darajasida bajarilmaganligi sababli jarima va penyaning to'lanishi tomonlarning shartnoma bo'yicha o'z majburiyatlarini bajarishidan ozod qilmaydi.

4.5. "Sotuvchi" O'zbekiston Respublikasi hududiga mahsulotning qonuniy olib kirilishini nazorat qiluvchi qonunchilik talablariga rioya qilinishi uchun javobgardir.

4.6. Shartnomaga asosan mahsulot yetkazib berilmagan taqdirda "Sotib oluvchi" shartnoma qiymatining 50 foizi miqdorida neustoyka undirish to'g'risida sudga murojaat qilish huquqiga ega bo'ladi.

5. Tomonlarning huquq va majburiyatlari

5.1. Sotuvchining majburiyatlari:

5.1.1. Xo'jalik shartnomalari to'g'risidagi qonun hujjatlarining talabiga rioya etish.

5.1.2. Shartnomada belgilangan majburiyatlarni o'z vaqtida bajarilishini ta'minlash.

5.1.3. "Sotib oluvchi"ning talabiga asosan yetkazib berilgan mahsulot (ko'rsatilgan ish, xizmat) uchun qonunchilikda ta'qiqlanmagan boshqa hujjatlarni taqdim qilish.

5.1.4. Tekshiruv va reviziya o'tkazadigan shaxslardan tashqari, "Sotib oluvchi"ning ruxsatisiz olingan ma'lumotlarni uchinchi shaxsga taqdim qilmaslik.

5.2. Sotib oluvchining majburiyatlari:

5.2.1. "Sotuvchi" tomondan oldindan to'langan to'lov qoplangandan so'ng, mazkur shartnomada belilangan muddatda, qolgan summani uning hisob raqamiga o'z vaqtida o'tkazish.

5.2.3. Yetkazib berilgan mahsulot (ko'rsatilgan ish, xizmat) lar bo'yicha kamchiliklar aniqlanmagan taqdirda ularni qabul qilish.

Tomonlar mazkur shartnomada ko'rsatilmagan, amaldagi qonunchilikka asosan boshqa huquq va majburiyatlarga ega.

Majburiyatlar to'liq bajarilmaganda, jarima va penyalarning to'lanishi, shuningdek, shartnomaning amal qilish muddatining tugashi tomonlarning shartnomadagi majburiyatlarni bajarishdan ozod qilmaydi.

6. Korrupsiyaga qarshi kurash

6.1. Ushbu shartnoma bo'yicha o'z majburiyatlarini bajarayotganda tomonlar, ularning sheriklari, ishchilari yoki vositachilari har qanday noqonuniy ustunliklarga yoki boshqa noqonuniy maqsadlarga erishish uchun bevosita yoki bilvosita pul mablag'lari yoki qimmatliklarni to'lashni amalga oshirmaydi.

6.2. Ushbu shartnoma majburiyatlarini bajarayotganda tomonlar, ularning sheriklari, ishchilari yoki vositachilari pora berish/olish, tijoriy pora olish, shuningdek amaldagi qonunchilik va xalqaro hujjatlarning talablarini buzadigan harakatlarni amalga oshirmaydilar. Jinoiy yo'l bilan topilgan daromadlarni legallashtirishga qarshi kurashishga oid xalqaro hujjatlar talablarini buzilishi kabi harakatlarni amalga oshirmaydi.

6.3. Ushbu shartnoma tomonlarining har biri boshqa tomonning xodimlarini har qanday tarzda rag'batlantirishdan, shu jumladan pul mablag'lari, sovg'alar berish, ularga ish (xizmatlar)ni bepul bajarishi va ushbu bandda ko'rsatilmagan boshqa usullar bilan xodimning rag'batlantiruvchi tomon foydasiga har qanday harakatlarni sodir etishdan bosh tortadi.

Xodimning uni rag'batlantiruvchi tomon foydasiga amalga oshirgan harakatlari deganda quyidagilar tushuniladi:

Boshqa kontragentlar bilan taqqoslaganda asossiz ustunliklarni taqdim etish; har qanday kafolatlar bilan ta'minlash; amaldagi tartib-taomillarni tezlashtirish; xodim tomonidan o'z vazifalari doirasida amalga oshiriladigan, ammo tomonlar o'rtasidagi munosabatlarning shaffofligi va ochiqligi tamoyillariga zid bo'lgan boshqa harakatlar.

6.4. Agar tomonlardan biri mazkur shartnomaning 1-ilovasida keltirilgan korrupsiyaga qarshi kurashish shartlarini buzgan yoki buzishi mumkin deb gumon qilsa, ikkinchi tomonni yozma ravishda xabardor qilishga majbur. Yozma xabarnomadan so'ng, tegishli tomon ushbu shartnoma bo'yicha majburiyatlarning bajarilishini buzilish sodir bo'lmaganligi yoki sodir bo'lmasligi tasdiqlangunga qadar to'xtatib turishga haqli. Ushbu tasdiq yozma xabarnoma yuborilgan kundan boshlab 5 (besh) ish kuni ichida yuborilishi kerak.

6.5. Yozma xabarnomada tomon kontragent, uning sheriklari, ishchilari yoki vositachilari tomonidan ushbu shartlar va qoidalarning buzilganligi yoki buzilishi mumkinligini ishonchli tarzda tasdiqlaydigan yoki asoslashi mumkin bo'lgan faktlarga tayanishi yoki tegishli materiallarni taqdim etishga majbur, ya'ni pora olish/berish, tijoriy pora olish, shuningdek amaldagi qonunchilik va jinoiy faoliyatdan olingan daromadlarni legallashtirishga qarshi kurash bo'yicha xalqaro hujjatlar talablarini buzadigan harakatlar asoslantirilishi lozim.

6.6. Shartnomaning taraflari korrupsiyaning oldini olish choralari ko'rish tartib taomillarini tan oladi va ularga rioya etilishini nazorat qiladi. Bunda Tomonlar korrupsiyaviy faoliyat bilan shug'ullanishi mumkin bo'lgan kontragentlar bilan ishbilarmonlik munosabatlari xavfini minimallashtirish, shuningdek, korrupsiyaning oldini olish maqsadida bir-biriga o'zaro yordam berish uchun oqilona harakatlarni amalga oshiradilar. Shuningdek, tomonlar korrupsiyaviy faoliyatga tomonlarning ishtiroki xavfini oldini olish maqsadida tekshiruvlar o'tkazish tartib taomillarini amalga oshirilishini ta'minlaydilar.

6.7. Tomonlar o'zlarining sodir etilishi mumkin bo'lgan noqonuniy hatti-harakatlari va ushbu shartnomaning korrupsiyaga qarshi kurashish shartlarining buzilishi kontragentning ishonchliligi reytingini pasaytirishidan tortib ushbu shartnomaning bekor qilinishigacha bo'lgan noxush oqibatlariga olib kelishi mumkinligini tan oladi.

6.8. Tomonlar maxfiylik tamoyillariga rioya qilgan holda ushbu shartnomani bajarish doirasida keltirilgan faktlar bo'yicha tegishli tartib-taomillar amalga oshirilishini va amaliy qiyinchiliklarni bartaraf etish va yuzaga kelishi mumkin bo'lgan nizoli vaziyatlarning oldini olish bo'yicha samarli choralarni qo'llashni kafolatlaydilar.

7. Nizolarni hal qilish

7.1. Mazkur shartnomaga asosan "Sotuvchi" va "Sotib oluvchi" o'rtasidagi barcha tortishuv va kelishmovchiliklar o'zaro muzokaral yo'li bilan hal qilinadi. "Tomonlar" bir to'xtamga kelmagan taqdirda mazkur shartnomadan kelib chiqqan barcha nizolar Toshkent tumanlararo iqtisodiy sudida ko'rib chiqiladi.

8. Shartnoma amal qilish muddati

8.1. Mazkur shartnoma ikki tomonlama imzolaniib, O'zbekiston Respublikasi Moliya vazirligi G'aznachiligidan ro'yxatdan o'tgan vaqtdan boshlab kuchga kiradi va 2022-yil 31-dekabrga qadar amal qiladi.

9. Fors-major

9.1. Yengib bo'lmas kuch, ya'ni: yong'in, tabiiy ofat, urushlar, harbiy operatsiyalar, eksport va import ta'qiqlanishi yoki blokada oqibatida, ushbu vaziyatlar bevosita mazkur shartnoma bajarilishiga ta'sir etgan holda, majburiyatlar to'liq yoki qisman bajarilmaganligi uchun tomonlar javobgarlikdan ozod qilinadi. Shu bilan birga, mazkur shartnoma bo'yicha majburiyatlar bajarilishi muddati shu kabi vaziyatlar bo'lib o'tgan vaqtga mos ravishda suriladi.

9.2. Yuqorida ko'rsatilgan vaziyatlar uch oydan ortiq davom etgan holda, har ikkala tomon mazkur shartnoma bo'yicha majburiyatlarining keyingi bajarilishidan voz kechish huquqiga ega. Ushbu holda "Sotuvchi" mazkur shartnomada ko'zda tutilgan mahsulot yetkazib berishga doir o'z majburiyatlarining bajarilmagan qismi bo'yicha pul mablag'larini "Sotib oluvchi"ga qaytarib beradi.

9.3. Mazkur shartnoma bo'yicha o'z majburiyatlarini bajarish imkoni bo'lmagan tomon zudlik bilan yuqorida ko'rsatilgan vaziyatlar yuzaga kelishi vaqtidan boshlab, 20 kalendar kundan kechikmasdan ikkinchi tomonni ushbu vaziyatlar yuzaga kelishi va ular to'xtashining taxminiy muddati to'g'risida xabardor qilishi lozim. Yuqorida qayd etilgan vaziyatlarning mavjudligi va davomiyligining isboti sifatida tegishli vakolatli organlar tomonidan beriladigan sertifikatlar xizmat qiladi.

10. Boshqa shartlar

10.1. Mazkur shartnomaga har qanday o'zgartirish va qo'shimchalar kiritish ular faqatgina ikkala tomon mas'ul vakillari tomonidan imzolangan va yozma ravishda bajarilgan holdagina haqiqiy hisoblanadi.

10.2. Boshqa tomonning yozma ruxsatisiz hech bir tomon mazkur shartnoma bo'yicha o'z huquq yoki majburiyatlarini uchinchi shaxsga berishi mumkin emas.

10.3. Tomonlarning to'lov yoki boshqa rekvizit nomlari o'zgargan holda, boshqa tomon bu haqda yozma ravishda darhol xabar berishi lozim.

10.4. Tomonlar mazkur shartnoma bo'yicha majburiyatlarini bajarishda korrupsiya holatlariga yo'l qo'yilmasligi lozim, ushbu holatda duch kelgan tomon 1008 raqami orqali ma'lum qilish majburiyatini oladi.

10.5. Tomonlar mazkur shartnomada ko'zda tutilmagan hollar bo'yicha O'zbekiston Respublikasi Fuqarolik Kodeksi, O'zbekiston Respublikasining "Xo'jalik yurituvchi subektlar faoliyatining shartnomaviy-huquqiy bazasi to'g'risida"gi Qonuni va O'zbekiston Respublikasining amaldagi qonunchiligiga ko'ra amal qilishadi.

10.6. Shartnoma mazmuni jihatidan bir xil bo'lgan, teng yuridik kuchga ega bo'lgan 2 nusxada tuzilib, ikkala tomon imzolari va muhrlari bilan tasdiqlangan.

11. Tomonlar yuridik manzillari, to'lov va jo'natish rekvizitlari:

Sotuvchi:

"MAVLANOV H N" XK

Sotib oluvchi:

Buxoro viloyati
IIB JXX YHXB

Manzil: Toshkent shahar, Olmazor tumani, Qorasaroy ko'chasi, 2-uy, 58-xona
X/r: 2020 8000 7009 4698 7001
Bank: Toshkent shahar, "SanoatQurilishBank"
AKB Labzak filiali
MFO: 00440
STIR: 305 886 603
Tel.: +998 90 710 77 73

Manzil: BUXORO VILOYATI IIB YHXB
X/r: BUXORO SHAHAR, G'JUDUVON KO'CHASI, 1 UY
h/r 23404000103959417324
Sh/r: h/r 21506000803959417001
h/r 401010860064017199996179003
MFO: "Markaziy bank" XKKM Buxoro shahar
Tel: MFO 00017 STIR 202675324 XXTUT 97400

Sotuvchi:


Mavlanov H.N.


Sotib oluvchi:


Axmedov A.R.

Ispuci: 
D. Fozilov